

animalium creatores sic nec Agricolaë segetum quorumcun-
 que in terra gignentium creatorēs dicendi sunt. quamvis no-
 verint præbere quasdam verisimiles oportunitates & cau-
 sas ut illa nascantur. Deus verus unus solus creator est qui
 causas ipsas & rationes seminarias rebus in sevit. Hoc idem
 in libro de Civitate Dei & transumptive in capitulo trigesi-
 moprimo, quæstione quinta. Nec mirum has igitur argu-
 mentationes variè philosophi & diversimode nominant.
 Quidam appellant eas virtutes cœlestes, ut in secundo de
 generatione dicitur. Formæ omnium sunt in cœlestibus, &c.
 Alii autem virtutes elementares: quia subito in actum pro-
 rumpunt sicut ignis vel aliud elementum. Alii virtutes mine-
 rales & proprie vocant quia ex propria minera in esse sunt
 productæ. Alii dicunt ipsas virtutes esse radices solis, quia si-
 cut granum mediante radice nutritur, sic aurum mediantibus
 virtutibus istis, sicut infra dicitur. Nos autem ipsas di-
 cimus spiritus esse fermentatos, quia admodum fermenti
 massam, id est, spiritus purificatos corrumpunt, sed natura-
 lissimum omnium opus est alterum facere quale ipsum est si
 sint perfecta, nihil aliud reperitur in opere nisi quod ferment-
 ent & tingant. Si autem objicitur quod philosophi figu-
 raliter sunt locuti probamus hanc quæstionem esse de ipso-
 rum radicali intentione. Sicut enim patet secundum om-
 nes philosophos quod volumus virtutem prædictam mine-
 ralem esse universalem naturam non in sua natura videlicet
 nec in tota substantia eius est Mercurius sed pars eius. Ad hoc
 enim laborat sublimator ut Mercurio humiditatem flegmati-
 cam auferat & fœtulentam substantiam, & sic mortificatur,
 non enim sic mortuus perficit opus nisi fixetur, ad quod in-
 sudat præcipitator cum igni tanta violentia. Similiter o-
 portet esse fluxibile, ad hoc sudet resolutor, quia quod non
 infunditur non ingreditur & quod non ingreditur non per-
 ficitur. hæc autem per dissolutionem auferuntur. Aurum
 est totum minerale quod patet ex ipsius pondere & ex ipsius
 Mercurij imbibitione. Igitur in ipso est totalis & radicalis
 philosophorum intentio & voluntas, has enim virtutes &
 excellentias acquirit mediante calore tali & intelligentia-
 rum motu quas per se errare est impossibile nisi per accidens.
 Ad hæc autem omnia in Mercurio se ibi inciperet pervenire
 posset tamen suffragio ignis & ingenij quod est laboris co-
 pia.

*Semina n-
rum*

*semen
trustalli in.*

opinio